



16. marts 2017

UPA 2017/55

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Siunissami aalisarsinnaanermut akuersissutip aqutsisoqarfimmi ataasiinnarmi atorneqartalernissaa - taamatullu aqutsisoqarfiup "Kalaallit Nunaata sinnerata" siunissami aqutsivinnut immikkoortunut arfinilinnut aggornilersorneqarnissaa (Maniitsoq, Paamiut, Qaanaaq, Sisimiut, Kalaallit Nunaata kujataa aamma Tasiilaq) anguniarlugu sinerissamut qanittumi qaleralinniarneq pillugu nalunaarut allanngorteqquullugu Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Michael Rosing, Demokraatit)

Tunngavilersuut

Sinerissap qanittuani qaleralinniarneq maannakkorpiaq aqutsisoqarfinnut tallimanut aggornilersorneqarnikuuvvoq: Upernivik, Uummannaq, Qeqertarsuup Tunua, Nuuk aamma Kalaallit Nunaata sinnera.

Aqutsisoqarfik kingulleq atorunnaarsittariaqarpoq - taarserneqarlunilu immikkoortunik mikisunik arlalinnik, aalisarnermi peqassutsit ataqtigiinnerannut annerusumik tulluussarlugu. Ataasiinnaanani (akuttunngitsumik najukkami) qaleraleqarfeqartarpoq immikkoortunik, taamaattumik siunnersuutigerusuppara, aalisarneq siunissami minnerpaamik ukununnga immikkoortunut aggornilersorneqassasoq: Maniitsoq, Paamiut, Qaanaaq, Sisimiut, Kalaallit Nunaata kujataa aamma Tasiilaq.

Tamatuma saniatigut piumasaqaatinngortariaqarpoq aalisarsinnaanermut akuersissutip taamaallaat aqutsisoqarfimmi ataatsimi atorneqarsinnaanngornissaa. Imatut paasillugu, aalisarsinnaanermut akuersissut soorlu Upernivimmi atorneqarsinnaasoq siunissami Uummannap eqqaani atorneqarsinnaajunnaassasoq. Aalisartut aqutsisoqarfimmi allaminngaanneersut aalisapilunnermut ilapittuutaasinnaanerisa saniatigut aamma teknikkikku arlalinnik unammminartunik peqarpoq. Pisassiissutit affaat angallataatilinnut pisassiissutigineqarpata namminerlu aalajangersinnaallugu pisassiissutit sumi pisarerusunnerlugin, taava pisassiissutit aggorerinik nuussineq assersuutigalugu Qeqertarsuup Tunuanit Uummannamut imaluunniit Uummannamiit Qeqertarsuup Tunuanut taava agguassineq pisassiissutillu annertussusaat naligiissinnaajunnaassapput.

Aggornilersuinermik killilersuinermillu immikkut aqutsisoqarfintsinerup kinguneranik aqutsisoqarfinni ataasiakkaani aalisapilunneq annikillisinneqassaaq aammali tamatuma kinguneranik aalisarnermik tulluussaanissaq periarfissaqalissagaluarpoq, tassani aalisarnermik

inuussutissarsiutillit ullumimut naleqqiullugu aalajangersinnaanngussagaluarpaat pisassiissutit qanoq aalisarusunnerlugit. Tamatuma aamma nassataanik akisussaassuseqarnerusumik aalisartoqalissagaluarpoq - taamaasillunilu aalisarneq piffissaq ungasinnerusoq isigalugu pisinnaalissagaluarpoq peqassutsikkut nungukkiartuutaannginnerusumik. Ullumikkut periuseq atorneqarallartillugu akisussaassuseqanngitsumik aalisarnissaq aningaasarsiornikkkut peqassutsikkullu atasinnaanngitsoq, kaammattorneqarpoq.

Ullumikkut assersuutigalugu aqtsisoqarfimmi "Kalaallit Nunaata sinnerani" qanoq qaleralittoqartiginissaa qummut killeqartinneqanngilaq. Tamatuma kinguneranik qalerallit akilersinnaanngoriartorlutik amerliartulaalersullu nungunneqartarput.

Periuseq allanngortinneqartuuppat, aalisarsinnaanermut akuersissut aqtsisoqarfimmi ataasiinnarmik atorsinnaanngortillugu, taava immikkoortuni ataasiakkaani aalisapilunneq millisinneqarsinnaassagaluarpoq. Peqataanillu najukkami aalisarneq aallaaveqarnerulissagaluarpoq. Najukkani ataasiakkaani aalisartut aalisartunik aqtsisoqarfinni allaneersunik pisassiissutinik avitseqatigissaartillugit. Taamaalisuuppat aalisakkat immikkoortuni ataasiakkaaneersut siunissami najukkami aalisartunut innuttaaqataasunullu iluaquisiinerusalissagaluarput.

Akuersissutip atuuffissaanik killiliisoqartuuppat assersuutigalugu Qeqertarsuup Tunuani aalisartut aalisarfimmi aalisakkat nungoriarlugit avannarparterlutik nuuttariaaruttalissagaluarput - uangalu nammineq ernummatigaara iliuuseqartoqanngippat tamanna periaannaasoq. Aamma naapertuutuliornertut isikkoqanngilaq Uummannami aalisartut kujataani aalisapiloreerlutik pisassaarunnikunik aalisaqateqalertarnissartik naatsorsuutigisariaqartassappassuk.

Siunnersuutip iluaqtissartaatut aamma naggataatigut oqaatigineqarsinnaavoq, sinerissamut qanittumi aalisarnerup piujaannarnissaata qalliarnerera peqatigalugu taava aamma aalisarnerup MSC-mik nalunaaqutsersorneqartalernissaa ajornannginnerujartulissaaq, aalisarnermik inuussutissarsiuteqartut aalajangissagaluarpata tamanna angorusullugu. Allaat Uummannap eqqaani aalisarneq MSC-mik nalunaaqutserneqarsinnaanngussagaluarpoq Qeqertarsuup Tunuani aalisarneq piujaannartitsinissamik tunngaveqanngikkaluarpalluunniit.

Partiit allat oqaaseqaataasa tusarnissaannut kiisalu Naalakkersuisut akissuteqarnissaannut qilanaarpugut.

Aningaasatigut allaffissornikkullu pisortanut kingunerusussat

§ 37 naapertorlugu apeqqummut nr. 2017/97-mut Naalakkersuisut akissuteqarnerminni allapput siunnersuut akuerineqassagaluarpat makku pisortanut kingunerujumaartut:

"Piffissaq sivikinnerusoq eqqarsaatigalugu naliliisoqarpoq ilaatigut biologit annertunerusumik siunnersuisarnssaasa nakkutilliinermillu pisariaqartitsinerup kinguneranik aningaasartuuteqarnerulernermik kinguneqassasoq. Tamassuma saniatigut siunnersuutigineqartutut agornilersineq killiliinerlu pisortat allaffissornerisa annertunerulerannerannik kinguneqassasut ilimagineqartariaqarpoq."

Demokraatini ilaatigut tassani isumaqataavugut, taamaakkaluartorli peqataanik tikkussavarpu piffissaq ungasinnerusoq isigalugu aalisarneq aalaakkaanerusussaammat, taamaasillunilu tamatumap kinguneranik aamma aalisarnermi aningaasaqarneq aalaakkaanerusussaavoq inuaqatigiinnut iluaqutaasumik.

Tamatuma saniatigut siunnersuutip nassataanik, nalunaarutip allanngortinneranut atatillugu pisortat aningaasatigut allaffissornikkullu aningaasartuuteqartussaapput tamatumalu saniatigut aqutsisoqarfii ataasiakkaat amerlassusaasa killeqarfisalu sukumiinerusumik nalilfersornissaannut. Tagginneqarpoq taakkununnga aningaasartuutit ilinniagartuup ukip affaani sulisinneranut atatillugu aningaasartuutinit annertunerunavianngitsut (250.000 koruunit missaani).

Aningaasatigut allaffissornikkullu sullivinnut namminersortunut kingunissai.

§ 37 naapertorlugu apeqqummut nr. 2017/97-mut Naalakkersuisut akissuteqarnerminni allapput siunnersuut akuerineqassagaluarpat makku namminersortunut inuussutissarsioruntut kingunerujumaartut:

*"Aammattaaq naliliisoqarpoq siunnersuut inuussutissarsioruntut namminersortunut (aalisartunut) ajornerusunik kinguneqassasoq, tassa aalisartut aalisarfimm i piffissat ilaanni imminut akilersinnaanerusut isumaqarfigisaanni aaiisartut aalisarsinnaanermut 2 periarfissaat killilemegassammata. Ilimageqartariaqarpoq tamanna aalisarnermi sinneqartoortuinik taamaalillunilu aamma toqqaannanngitsumik nunap karsiata sinneqartoortuaanik appartisissasoq.
Ilimageqarpoq siunnersuut inuussutissarsioruntut namminersortunut allaffissornikkut kinguneqassasoq."*

Demokraatini Naalakkersuisut isumaqatigaagut, siunnersuut inuussutissarsioruntut namminersortunut allaffissornikkut kinguneqarnaviangitsoq, Naalakkersuisulli isumaqatigiinngilagut naliermassuk, aningaasarsiorikkut kingunerusussat sutigut tamatigut ajornerusumik kinguneqassasoq.

Siunnersuut akuerineqarpat aalisartut ataavarnerusumik aalisarsinnaalissasut isumaqarpugut tamatumalu kingunerisaanik aalisartut ataasiakkaat aalisartitseqatigiiffiillu patajaannerusumik aningaasarsiorsinnaalissapput. Aalisartulli ataasiakkaat siunnersuut killilersuutaasutut isigissavaat aqutsisoqarfii killingi pitarlugit aalisarsinnaajunnaassagamik. Taamaasilluni siunnersuut annaasaqataasinjaavoq - aalisartulli aqutsisoqarfiup aalisarfisismasap avataanut pisaminnik tunisisinnaasussaapput. Naatsorsuutigineqarporli aningaasarsiorikkut peqassutsikkullu siunnersuutip iluaqutissartai akorngutissartaalu ataatsimut isigalugit oqimaaqatigiikkumaartut, taamaasillunilu siunnersuut akuerineqarpat inuaqatigii iluaquserneqassasut taamatullu ataatsimut isigalugu inuussutissarsiorut namminersortut siunnersuut akuerineqarpat iluaquserneqarumaartut.

Aningaasatigut allaffissornikkullu innuttaasunut kingunissai

Soqanngilaq.